

觀自在菩薩行深般若波羅
蜜多時照見五蘊皆空度一
切苦厄舍利子色不異空空
不異色色即是空空即是色
受想行識亦復如是舍利子
是諸法空相不生不滅不垢
不淨不增不減是故空中無
色無受想行識無眼耳鼻舌
身意無色聲香味觸法無眼
界乃至無意識界無無明亦
無無明盡乃至無老死亦無

老死盡無苦集滅道無智心無
得以無所得故菩提薩埵依般
若波羅蜜多故心無罣礙無罣
礙故無有心怖遠離顛倒夢想
究竟涅槃三世諸佛依般若波
羅蜜多故得阿耨多羅三藐三
菩提故知般若波羅蜜多是大
神呪是大明呪是無上呪是無
等等呪能除一切苦真實不虛
故說般若波羅蜜多呪即說呪
曰揭率揭帝 波羅揭帝
波羅僧揭帝 菩提薩婆訶